

二十生子三魁家赤立無舅姑兄弟僅有生父又衰老徒依姊氏賃房住賴甥趙龍門代給薪水紡績爲活撫三魁娶楊氏三魁入蜀搬父骸楊爲代養魁亦客死楊年二十二姑念其年少無子勸令他適氏泣曰媳所以不死者以姑老無人養耳姑百年後媳歸母家度日姑無慮又徙谷口賃居母家勸嫁亦不從康熙六十年荒姑憐氏餓食不忍飽氏涕泣勸姑食自忍饑不言事姑終養自完其節馮守節六十二年卒年八十三楊守節四十年卒年六十三

牛氏劉文運妻年二十三夫亡事姑撫子守節三十二年卒年五十 傅氏韓敦禮妻年十九夫客死粵東自力女紅事衰翁子國棟僅八月撫之成立亦能孝守節五十年卒年六十 索氏楊可文妻年二十四夫亡其母勸之嫁引簪自刺損一目

撫姪克振爲嗣守節四十五年卒年六十九

張氏儒生吳承伯妻年十八承伯病篤視氏涕泣不語氏曰我知之矣願矢志以奉二親承伯大痛而歿及氏剪髮代殉勤女紅賣粧奮竭力旨甘康熙六十年饑或諷之改嫁復斷再生之髮以拒初承伯亡有胞弟僅歲餘氏佐翁姑撫養授室及生子自撫爲嗣終其身窮苦不悔守節三十六年

張氏儒生趙廷勳妻年十九勳歿無子父母勸嫁卽絕歸寧撫弱女過繼胞姪爲嗣守節五十三年

張氏徐鼎德妻年二十六德死氏奉養翁姑撫育胞姪捐數百金產爲族人代完通糧守節四十六年卒年七十三

高氏生員武可舉繼妻年十九夫故已無出撫前出子爲之娶妻生子而前出子又歿再撫遺孫家無次丁孤苦備嘗守節六

十餘年卒年八十一

張氏杜顯相妻年十九夫亡遺子通方一歲或勸之嫁呼天仰誓以事親撫子爲己任子後入庠守節十三年以三十二歲而卒年雖不永死完其志矣

周氏楊登霄妻年二十一夫旅亡遺子九位僅四歲矢志撫育後得歸夫柩卒年八十有二

張氏儒生劉大賢妻年二十四夫亡姑老多病侍奉不解衣寢者凡四十日教養二子品超品逸俱列庠序曾孫繩繩守節五十五年卒年七十有八

王氏儒生劉竹影妻年二十五夫故家無伯叔可依又無莊田可給氏勤鍼黹事老姑撫所生六月孩姑瞻遇荒忍饑自甘賴族叔洋縣訓導劉以董周給以長其子初氏來歸始年七十夫自恨貧不能養氏賣奩佐之孝行尤足多焉守節四十五年卒年七十

王氏生員王梅妻夫歿以父病繼母老相泣託氏垂涕許之後有賄媒誘娶者氏拔刀逐之遂以刀爲枕自織紵子析薪易米養舅姑子文芝亦成家每祭則陳氏所枕遺刀守節二十七年卒年五十三

盧氏王之舟妻年十七夫故遺子三奇方九月兄嫂逼嫁不從食貧撫孤至於孫曾繞膝守節四十七年卒年六十四

姚氏張完素妻年二十六夫亡家貧屢值歲歉甘凍餒勤織紵撫前出子底於成立守節六十二年卒年八十八

張氏舉人郭文炳妻年二十五夫故無子氏念父貢生張恒翁進士如儼祖翁舉人鼎藩恪守詩禮遺訓撫堂姪爲嗣變產連

進士如儼祖翁舉人鼎藩恪守詩禮遺訓撫堂姪爲嗣變產連

舉三世喪身居土窖無怨苦節四十八年而卒

李氏趙天仁妻年二十六夫亡甘貧誓守遇饑歲則啖糠嚼菜卒撫二子成家守節六十八年卒年九十四

仇氏陳振社妻年二十八夫歿無子撫姪陳煥為嗣悉心教養守節二十二年而卒後煥任衡山知縣氏誥贈孀人

李氏劉大器妻年二十八夫故遺二子一四歲一兩歲家酷貧值荒歉日不再炊姑諭曰盍各覓活路氏泣曰子亡媳去姑誰與養勤紡績以事姑撫子因過勞年四十八失明六十二卒

馬氏董珍妻年二十七夫故族人覬覦數椽屋欲奪其志氏即移居以自保遇荒糠覈不飽卒撫二子各成生理

韓氏趙宣妻寶氏宣子盛美妻宣早亡韓截髮矢志茹藥撫孤洎美娶婦生子炳僅三歲而美又亡姑婦孤苦相依共撫遺孩

初韓年十九居孀寶亦年十九而寡韓卒年八十寶現年六十俱少寡苦守先後同志也

何氏郭良玉妻年二十二夫故於江南氏奉雙親撫幼子歸葬夫柩子弱而病艱苦萬狀守節三十四年卒年五十六

趙氏謝三選妻年二十六選陣亡四川氏撫三子二女俱畢婚嫁守節三十六年卒年六十二

宋氏生員王謐妻年二十一謐歿遺子兆元甫彌月孤子無助甘窮守志撫子有成嘗汲井損臂忍痛無聲或問之曰婦人聲不出戶况寡婦乎守禮皆類此苦節三十七年

張氏進士士錦孫太學天績女為即用縣丞朱啟繼室年二十三啟謁選歿京邸聞訃痛絕念諸子女俱幼強食為撫孤計前

出子三色喜色正維襄自出國祚尚在襁褓俱一體教育喜入

岸早天氏哀至嘔血正列成均亦早逝無子乃命撫姪為嗣裹早年入泮祚登丙辰賢書初啟之宦歿也親柩未舉氏竭力營葬虔奉家祭敦睦親族恩恤僕婢親持家計以畢婚嫁尤尊師教子故各成其名守節三十年現年五十二歲

門氏監生趙維均妻年二十二均故遺子毓秀方五歲家計窘甚力作以事孀姑侍姑病暑不解帶者三月姑歿值歲歉跪懇親族那湊備棺殮以紡紉所積績還之撫子有成守節三十年現年五十二先是氏之曾祖姑劉氏為丁卯舉人趙九成妻守節五十年有孤燕巢堂之瑞姑梁氏為候選縣丞趙凱繼妻守節三十年有孤燕重來之異備志之以表其世節焉

傅氏儒生師班妻年十七歸班十九夫故絕粒三日以衆勸強進食祖母與父勸令改適堅不從撫班弟珏子為嗣孝奉翁姑守節三十一年現年四十七歲

陳氏邱玉周妻年二十四夫客死無子絕粒欲殉因旁勸乃嚙指瀝血矢志立嗣撫一族子殤又撫一服姪殤痛甚繼幾死後撫堂姪良乃成嗣初氏夫弟玉積不慧勸以兄弟友愛及居孀玉積不能理家氏為人負澆代初自活乞鄰婦燈燭合績卒成其志守節三十二年現年五十六歲

賈氏曹廷臣妻年二十八夫故無子撫從姪為嗣生孫成室守節二十九年現年五十七歲

姚氏趙鳴鶴妻年二十六夫歿肅州前已孤燈五年矣遺幼子多病長患血症氏不忍其勞力作自任又先氏歿因姑老哭不致成聲初氏事孀姑窮必謀味姑患鬱症氏每指密導引侍疾衣不解帶者三年守節二十七年現年五十二歲

衣不解帶者三年守節二十七年現年五十二歲

衣不解帶者三年守節二十七年現年五十二歲

衣不解帶者三年守節二十七年現年五十二歲

衣不解帶者三年守節二十七年現年五十二歲

衣不解帶者三年守節二十七年現年五十二歲

衣不解帶者三年守節二十七年現年五十二歲

郭氏儒生王節峻妻王氏峻弟儒生節峒妻峻客死蜀中郭年二十聞訃慟絕者屢矣母弟勸令更適乃斷髮自矢撫伯節煜子爲嗣教養切至得入庠序峒之亡王年方十七遺一女無子數自縊以救解節煜與子撫之事姑謹侍疾藥弗效必自禱祈代姑以漸愈又節峻兄節峻妻張氏嫡馬氏賸婢也納後舉一子峻夫婦相繼歿張年二十四或勸改嫁拒不應姑病痰氏寢臥於側候起居夜聞聲息即起視撫嫡子三人與己子俱成第三子運入邑庠郭守節三十二年現年五十二王守節三十九年現年五十五張守節三十年現年五十四鄉里稱曰一門三節

鞏氏生員朱紹烈妻烈早逝氏年二十餘門鮮葺功績初以奉繼姑自厭糟粕甘旨必潔脫珥訓子象賢入膠庠苦節三十餘年

年

牛氏鄧知本妻年二十五而寡躬勤機杼孝事祖舅姑與姑遺腹生子治撫之有成同居堂叔僅歲餘撫之授室生子妻早亡又乳哺其遺子鄉里匾以栢操松齡守節四十四年現年六十八

李氏王能恭繼妻乃前妻妹也年十六來歸二十三而寡撫前出子篤等三人備嘗茶苦至於成立守節三十一年現年五十二歲

任氏姚仲妻年十九歸伸二十一舉子夫病故慟不欲生翁姑抱其子勸之乃強食哀傷勞苦漸致憔悴父母憐之微言窺其志氏正色厲聲以自誓父母笑慰之令卒志教子成家終養翁姑父母老無子孝事三十年省視不稍懈

劉璉母全氏年二十八夫故家貧甚戚族逼嫁誓死以拒撫璉兄弟二人守節四十一年現年六十九

蒙氏姚琨妻年二十九夫死無子撫現兄七月幼孩義德爲嗣斷箸自誓守節三十四年現年六十三

宋氏王獻妻年二十一夫死遺子大招方三歲大中僅八月家窘甚姑與父母勸改嫁不從事孀姑撫孤子後大招力穡勤家大中爲諸生守節三十六年

朱氏監生亢可觀妻年二十三可觀歿嫡朱氏憐其年少子又殤諭令改嫁氏顧三歲嫡子能敬泣曰大娘多病子幼妾去誰與共撫育豈妾賤輩不應守志耶嗣是斷葦衣布佩刀自衛勤苦操作佐朱氏事孀姑撫能敬授室成名守節三十餘年現年五十餘歲

王氏劉印賜妻年二十二夫故生子甫三月氏甘守寒薄紡績撫孤苦節三十八年現年六十歲

劉氏附監生劉溥妻溥客死江南氏年二十九終事衰姑撫子成立及長子琬歿妻鄧氏年甫十九念孀姑在堂不忍身殉相伴至死劉守節三十一年現年六十歲鄧守節十五年而卒亦無忝乃姑焉

李氏董漢儒妻年二十三夫歿遺子能健僅一歲苦志食貧教子爲儒守節三十二年現年五十四

何氏生員趙之庚妻年二十三庚歿遺子大輅方二歲大輅甫三日氏矢志撫育二子俱補弟子員守節現歷二十七年

高氏李喜聖妻年二十九夫歿先一月祖翁歿翁又繼歿三世連喪不堪痛苦姑又患眼疾氏乃賣奩延醫親侍湯藥不少怠

教兩子皆成至老不輟初織連舉三喪盡畢婚娶稱完節焉守志四十二年現年七十一

張氏張光前妻年二十五夫故無子絕粒欲殉以姑勸強食父母欲嫁之以死自矢撫甥孀為嗣終養姑子入監守節三十五年現年五十九

程氏曹琦妻年二十夫死姑年近八十忍死奉養惟勤織績鉞

初為活計遇麥秋拾人遺穗指刺爛血淋淋不怨旨甘終姑之

身撫一歲子併孤姪三人俱成立守節三十二年現年五十二

王氏韓本沛妻年二十而寡遺子甫一歲一子在娠夫初死

囑以他適求活氏啼哭不能應苦力撫孤族有憐而餽遺者堅

不受曰恐為後恥也二子俱畢婚娶守節三十九年現年六十

歲 王氏劉士偉妻年二十二夫亡督農理家以事翁姑遺子

初一歲撫之至生孫子後遠商不歸氏老安淡泊守節三十九

年現年六十 趙氏趙天印妻年二十三夫亡氏矢志事翁姑

撫子至授室又子媳俱亡孤子無依不悔所志守節四十九年

現年七十六

趙氏馮時母年二十一夫歿家無斗筲惟力績初抱甕灌蔬以

自給撫子時至四十餘窮如故覓備值以供母養母節子孝鄉

里義之

張氏儒生何俊妻年二十一夫故撫前出子之福入監早亡又

撫二孫守節三十年現年五十一

王氏李士義妻年二十一夫故家貧無伯叔兄弟之依解絲紡

棉自給初依母家防人奪志後撫子成人還家授室今生三孫

守節四十年現年六十一

韓氏幼許字里民董景景外出流落不歸氏年及笄念景父母

老無依竟歸董力貧代養或傳景客死招魂制服誓不再適既

送翁姑喪寄食叔嬖家族人為立堂姪文顯為嗣亦能孝養氏

現年六十二

李氏岳生華妻年二十四而寡子九鼎才六歲撫之授室又早

歿娶朱氏亦矢志撫孤治等三人李守節四十八年朱守節三

十四年姑婦全以節著又韓氏岳生芝妻芝歿氏為奉侍翁姑

撫子九錫成立居孀三十八年雖守節在三十外貞行亦不可

沒附於末

石氏王嘉志妻年二十四夫亡食貧事衰翁撫弱子守節三十

八年現年六十二

王氏韓建勳妻年二十七夫亡無子誓以身殉念兩伯各遺一

子曰文光文炳孤幼無依懼其失所絕祀食貧撫育俱成立有

家未幾文光夫婦繼亡炳妻亦喪氏仍孤苦自甘今守節三十

六年

翟氏吳天壽妻年二十二夫病故一子方二歲一子尚在娠夫

歿後始生氏力女工矢志撫育孝養翁姑每食常令二子外嬉

不欲分旨甘守節四十五年現年六十有六

李氏掃文相妻年二十八夫故遺三子氏食素明志事翁姑撫

幼子俱成立第三子元棟入庠守節三十餘年

馮氏劉士俊繼妻年二十四而寡撫前出子尊賢己子尊聖視

如一體勤紡績以事翁姑賣產送其終不為身計守節三十七

年現年六十一

劉氏魚志妻年二十九志亡氏甘窮苦撫幼子守節三十四年

現年六十有三

熊氏怡溥妻年二十七夫亡有祖翁姑在三子俱少氏以女工代耕事老撫幼祖姑病噎不離左右祖姑不食氏亦不食守節三十三年現年六十歲

高氏劉秉貴妻年二十一夫故子鵬方二歲氏食貧撫育至於成人守節三十一年現年五十二

朱氏盧嚴妻年二十六嚴故氏身督耕手織紡撫三子全斌等俱完娶守節三十四年現年六十歲

張氏劉漢鼎妻夫亡氏年已三十撫子將成而歿撫姪孫為嗣孫又殤兩伯與姪相繼逝與孀嫂寡姪婦共撫一弱孫老不易志守節三十二年現年六十二

張氏生員程念鞠妻年二十二夫亡家惟四壁事衰姑撫幼子身心交瘁婦道克終母儀無愧守節五十二年年七十有四

鄧煥妻張氏年二十二夫亡子生纔三月氏矢志上奉翁姑生死盡禮撫子之堪成立亦能孝守節五十七年現年七十有九

呂氏姚緒唐妻年十八夫亡舅姑老遺子幼家赤貧勤紡績以仰事俯育守節三十年現年四十八

馬氏李鎮鼎妻年二十一夫病顧父母而泣氏曰爾父母即我父母我決不負爾夫歿遺一襁褓子氏力作供旨甘姑嗜棗居近山地寒不宜樹手汲澆棗實纂纂後翁卒九十二姑終八十

三子亦成立

馮氏華文頌妻年二十一夫故氏御窮自力養舅姑撫二子琅

居食廢糠糶不悔所志守節三十年現年五十二 李氏柴植

妻年二十五夫故遺子方一歲拒議嫁者撫子成人守節四十

年現年六十有五 朱氏齊君孝妻夫死家貧竭力撫五子皆成後漸豐裕廣行施與雖守節在三十外艱貞亦可錄也

翟氏吉可奇妻年二十六夫故遺二女一子止有老姑氏甘窮侍奉後姑及子女俱相繼亡屢值歲荒產業已盡歸依母家或勸改適幾至自殺遇祭則步拜吉氏塚族本孤姓因賣莊基買

一子為嗣守節三十四年現年已六十

李氏康宏緒妻年十七于歸甫兩月緒歿舅姑先逝依夫堂兄宏柱夫婦取從堂姪為嗣二歲殤繼撫堂姪瑤又十七年殤再以堂姪孫師華嗣焉恩勤教育以望其成守節三十二年現年

四十九

苗氏周士俊妻年二十六夫故撫孤總晝就外傳夜則孤燈守讀長入庠事姑竭力歲荒剪髮易米姑臥病扶持三年衣不解帶及擬殉葬以姪兩如救免嗣恤鄰寡白氏呂氏吳氏得成其節苦志四十餘年

張氏張善敏妻年二十八夫亡孝事孀姑撫族子為嗣苦節三十餘年 張氏周相成妻年二十三夫亡遺腹生子撫至十八

歲而殤族人憐之與子為嗣守節三十五年

張氏楊玉梁妻年二十八夫亡勤紡績撫二子成人俱外出不歸又撫其孤孫守節四十三年現年七十 宋氏牛士信妻年

二十六夫亡撫遺子三人力作為活遇荒歉日食一食子俱有成守節三十年現年五十 趙氏傅大濟妻年二十九夫亡身

理莊農併女工撫遺孤守節三十二年現年六十

馬氏何徵仁妻年二十三夫亡孤苦無親兄欲奪志破面拒之撫幼子事衰親葬三世遺喪現年六十五 常氏徐文翼妻年

現年六十五

二十六夫歿江南氏事姑撫子備嘗荼苦卒昇夫柩歸葬守節五十年現年七十 白氏馬登貴妻年二十八夫亡撫三遺孤值歲歉伯氏逼嫁哭奔夫墓以免守節三十三年現年六十一翟氏陳之遵妻年二十八歲遵歿於蜀氏撫二幼子又相繼而殤氏益礪志勤苦族無總親畜異姓子為嗣守節四十二年現年七十 楊氏郭騰蛟妻年二十一夫故遺腹生子苦志撫育事翁姑賣居屋送其終甘窮無悔現年五十有五 韓氏張際翠妻年二十四夫故家無擔石門鮮耕功氏甘冰菓撫兩孤成立守節四十九年現年七十三 邢氏官醫王勉妻年二十四夫故遺二子方在襁褓氏矢志撫育經歷艱辛守節五十一年現年七十五 陳氏雷騰龍妻年二十餘夫故一子尚幼氏苦志撫育守節三十餘年現年六十歲

涇陽縣志卷八

天

任氏師瑞妻年三十二瑞歿河南氏甘窮守志事老親撫幼子終身無怨雖守節在三十外然遺腹之子撫之有成苦節亦不可沒現年七十有六

侯氏岳瑁妻年二十八瑁客死於川遺二子俱弱氏矢志撫孤竭力養姑後以長子繼伯岳璘曰伯已老惟長者可以任勞我寧撫其幼者伯與長男又久客於外氏為人鍼浣以終姑養積勞致疾而卒守節二十八年卒年五十六

宋氏李天昇妻年二十五夫病囑曰汝年少我死可改嫁得財禮養老父幼子則聽之氏泣曰妾在君母憂夫歿後勤績紡養衰翁喪葬如禮撫孤子成人授室食貧終身無悔守節四十七年現年七十一

碓氏王文學妻年二十七而寡姑以家貧氏幼諭令改適氏斷

髮立誓矢志不從姑病氏以米汁飼子以乳乳姑事如盡禮教子戌名苦節五十三年壽八十而終於乾隆六年奉

旨旌表賜銀建坊入節義祠

劉氏年十八蘇子麒妻年二十三夫亡氏當未出閨時即能孝事父母及適子麒夫婦相敬如賓子麒病氏侍疾一年湯藥必親嘗乃進子麒歿氏欲以身殉家人力救得免惟食淡衣素簪珥梁肉皆屏除不御事叔舅姑以孝聞叔舅姑歿子女數人皆年幼氏善為撫養衣食婚嫁皆氏一身料理里中咸以為堂嫂無異慈母云享年五十二苦節三十年於乾隆六年奉

旨旌表賜銀建坊入節義祠

刁氏李繩武妻年十四適李門越二年而寡且無子甘貧守志上事舅姑下撫伯兄繩文所遺之子今年五十歲守志已三十

涇陽縣志卷八

年

五年矣

吳氏王虞妻年十六適王門十九而寡夫亡無所出父母令其改適氏嗚咽泣下曰我去舅姑誰事寧死不辱我志決矣以堂姪王國元承嗣晝夜紡績撫育成人及子復有子氏欣然曰王氏承祧有人我庶幾不負地下矣前任焦公匾額其門曰貞孝軼倫享年六十八而終

岳氏張文輝妻理歿氏年方二十子女無所出矢志守節奉姑諸兄為取姪淳嗣之迄今三十一年年五十一歲

章氏張廷助妻夫亡年方十九無所出父母令其改嫁氏斷髮立誓矢志靡他且善和妯娌撫育姪子不啻已出守節三十餘年如一日

毛氏王之偃妻夫歿氏年二十九遺子三氏立志撫孤誓不他

適子俱成立壽八十一而終 督學旌表其門曰古栢寒霜

孫氏監生王迪妻迪卒氏年二十三矢志守節奉翁姑終天年撫前出子思鞠備極恩勤得以成立今已有孫矣現年六十有五 督學旌之曰青松介石

姚氏王鳴九妻自十九歲守志食貧居賤歷盡艱辛子二今俱成立現歷四十一年 督學表其門曰節甘茹荼

任氏董劬妻十七夫亡痛不欲生念親老子幼甘心守節姑多病侍側無間寒暑姑歿後事鰥翁撫稚子無限勤苦而子至七歲又亡或以無依勸改適氏叱之飲泣彌日翁擇一子繼之教養如自已出現歷三十四年

成氏王述妻夫歿氏年三十立志撫二孤繼而長子死氏茹苦教育次子得成立現歷四十八年 督學表其門曰勁節凌霜

李氏王典妻夫歿氏年二十無子痛哭氣絕者數次兩叔不忍

各舉一子為嗣長世顯次世爵氏遂撫子守節壽七十六而終 督學旌表之曰勁節流芳

劉氏監生李生陽妻陽卒氏年三十遺子三封髮毀容誓不改適弟婦卒並撫其姪俱成立現歷二十年南陽同知表其節 督學又旌之曰志潔冰壺

曹氏監生杜廷樞妻樞卒氏年二十七無子悲泣欲絕又無繼嗣者氏愈悲痛取堂姪孫興元為嗣現歷二十七年 督學旌

曰心如鍊石

杜氏生員朱色喜妻子衣娶媳楊氏係生員楊希震之妹素知大義喜父子俱染病姑媳竭力奉事尋色喜歿越數年衣又卒姑既痛媳無夫媳又憐姑守寡有勸楊氏改適者氏引刀自刎

救得免姑語媳曰有媳若此朱門之幸也因取堂姪子雲為嗣

姑媳相依者數十年於茲矣杜氏現歷三十七年楊氏現歷二十四年 督學給匾曰兩世清風

怡氏生員劉珽妻夫歿氏年三十無子哀痛欲絕伯氏琰以子繼之氏心勤鞠育今已成立現歷三十六年 督學表其門曰志堅金石

呂氏王學恭妻恭卒氏年三十一子文誥才四歲痛夫得子晚而家又貧采藿拾薪艱苦備極教子成立以承王氏宗祧涼州知府旌表之

魏氏鄧偉儒妻夫歿氏年二十五甘貧守志紡績以撫弱子年四十七而終子今成立名永晟

蘇氏張思寬妻夫故氏年二十八矢志守節撫孤成立長瑛務

農次必提中武舉選授山東登州守備氏年六十三而終苦節三十五年

趙氏張思信妻夫故氏年二十三子三人長瑛監生次懋官次萬清俱武庠氏與思寬妻蘇氏俱係孀居妯娌各以貞節自勵教子成名現歷四十三年鄉里以苦節雙貞贈之

徐氏生員怡振先妻夫亡氏年二十九姑老子幼矢志守節勤

女紅以奉甘旨姑歿喪葬盡禮教子有方授室生子廷相為廩膳生氏年六十而終苦節三十一年

宋氏故儒怡心浩妻二十四喪偶無子欲殉翁姑以次房孫廷楷繼之氏事奉翁姑生養死葬教育繼子備極恩勤年六十一而終宗黨贈言以表其節

仵氏王肇慶妻夫亡氏年十九無子哀毀欲絕翁因取族孫為

嗣氏矢志不移撫子成立卒年三十有八其弟念祖妻劉氏年二十三夫故氏懷服得遺腹子亦撫孤守節年三十七而終張氏嚴宏貴妻夫歿氏年十九子二俱幼氏甘貧撫孤後倚分居伯父備極勞苦今子成立鄉黨重之

陳氏趙通儒妻年二十二而夫故無子取姪爲嗣堅心守節撫養成婚年五十四而終今有孫已七歲矣通儒有後陳氏力焉姚氏張鉸妻三原姚成周女也未笄夫死氏素服歸張門父母從之里人壯其事因贈言以表之

喬氏雷瑀妻二十八歲夫亡家貧無依痛不欲生因姑老子幼晝夜紡績上事下撫姑及喪葬如禮子亦成立現歷三十五年王氏寇金榮妻二十歲夫故子才一歲家貧無度變賣衣物殯葬寇氏先靈數椽撫子成立現歷四十一年

崔氏楊起妻二十九歲夫亡痛哭絕食欲以身殉因媪姑年高遺子五月矢志守節現歷三十三年

王氏生員韓德肇妻夫亡氏年三十遺子八歲越七年又天苦無繼嗣氏封髮自矢紡織以奉翁姑生養死葬無不竭誠現歷四十二年

郭氏劉學詩妻二十八夫亡對天自誓寧死決不改適日夜紡績兼變衣飾以奉翁姑以育幼子現歷五十三年

馮氏王世業繼妻二十二歲夫亡時翁姑年老前出子二尚在襁褓氏晝夜紡織上奉雙親下撫二子後翁姑繼及殯葬如禮二子賴以有成現歷四十六年

張氏張德仁妻二十四歲夫亡遺二孤家貧無倚自咽糟糠而奉翁姑以甘旨專意仰事俯育迨後殯葬翁姑延師訓子均氏

一人捫指現歷三十七年

于氏張莊椿妻夫亡氏年二十七痛哭失明甘心守志佐翁姑以維持家計歷盡艱難年八十四而終守節五十八年

朱氏經歷司朱霞妻二十歲夫故痛絕於地幾不欲生因子幼無依遂矢志撫孤家雖貧毫不爲意閉戶紡績課子卒年五十八守節三十七年

杜氏常在第妻二十九歲夫亡欲以身殉因親老子幼遂堅心事親撫孤及翁姑歿經營喪葬無不盡禮并且延師課子得以有成現歷四十一年

李氏薛漣妻二十九夫亡誓死以奉姑育子爲事姑多病服侍維謹而姑歿之日適荒歉之年氏脫簪典衣殯葬如禮現歷三十一年

王氏高尚友妻二十九夫故家道艱窘既無叔伯又鮮兄弟氏甘貧苦守訓子讀書卒年六十七守節三十九年

秦氏州同馬鵬徵妻二十歲夫故家貧無倚欲自盡子幼無撫育者因守節以終壽七十五苦歷四十七年

馬氏王謨妻二十一失偶或憐其年幼家貧勸令改適氏毀面自誓針指度日撫孤成立現歷四十九年

趙氏王訓妻二十八夫亡欲殉因孤兒無育不辭艱苦以撫養之現歷三十七年

劉氏件明世妻二十二歲夫亡親老子幼隣婦憐之而以改適勸氏厲色堅拒對天自誓上事下育不遺餘力迨後殯葬翁姑延師課讀俱出女工壽七十一而終守節五十年

王氏謝賜經妻十八夫故無子號泣絕食因翁姑年老守節奉

親痛夫乏嗣禱祈房族餘丁以爲夫後現歷三十年

李氏生員馬廷秀妻二十九夫故甘窘迫以撫前出幼子雖終歲饑寒必令其子讀書苦節三十二年壽六十而終

李氏孟瑞妻二十八夫亡痛不欲生弟雙親年老二子俱幼堅心守節以孝養撫育爲事翁姑繼歿盡哀盡禮現歷五十二年

李氏程學閔妻夫素病氏事湯藥伺候起居閱十月而夫亡痛絕於地因夫以奉姑爲囑矢志自守上事繼嗣孀姑下撫前出幼子竭盡孝慈現歷三十三年

張氏監生程基妻基卒氏方二十泣而欲死者數次家人力救得免又曲爲勸解遂堅心守節事翁姑以終天年撫前出子以成立苦歷三十二年

張氏故儒崔聖妻二十二夫故翁姑衰邁子在襁褓氏剪髮自誓立志事親撫子始終不渝守節三十一年

張氏李作桐妻年三十三而寡翁老而多病步履必藉扶持氏隨時伺候未嘗廢離翁壽至八十三張氏調護之力俱多焉氏率二子殯葬一如禮里人見之莫不動容

段氏王選妻二十七選歿婦憐其貧勸改適卽斷指正色曰上有翁姑下有幼子仰事俯育吾責焉汝何出此言遂守節四十六年而卒

雒氏寇金容妻二十八夫故家極貧子女俱幼氏杜門紡績遇歲時虔祭祖先所佑孤子長以承宗祧閱盡艱難亦得成立現歷四十三年

王氏寇秉秀妻二十四夫亡悲痛絕粒因老姑諭以撫孤爲重遂矢志操其子今已成立而且抱孫矣現歷四十三年

邢氏孟昇隆妻二十二夫亡親老子幼貧無以爲養氏惟日勤針指孝養無缺迨後殯葬翁姑延師訓子均出女工年五十六而卒守節三十五年

劉氏張大緯妻二十二夫亡無子兼姑病勉力延醫焚香祝天願以身代姑病愈爲之擇嗣氏殷勤顧復不啻已出現歷三十九年

符氏王永斌妻二十四夫故家貧子幼辛苦備嘗迨授室生孫而子又亡氏哭子撫孫保全寡媳孤苦不堪情狀守節三十九年現年六十二歲

韓氏張凝袍妻二十二夫亡親老子幼家計艱難旣而翁姑歿親族有憐其貧而資助者氏俱婉言辭之一切喪葬盡出女工守節四十三年

李氏馬斯義妻二十而寡姑老乏嗣因撫姪爲子立志守節教子成名姑病則百般維持姑歿則一切盡禮現歷五十九年

朱氏生員李裕妻二十二夫亡家貧無以供翁姑甘旨氏織紵奉親未嘗稍缺後相繼病歿悲痛欲絕不茹葷者三年子稍長卽爲擇師訓課今已成立現歷四十六年

郭氏封大田妻二十五夫亡昏絕於地或以年少家貧微探其意氏痛哭曰吾不卽從夫地下者實因姑在堂而子在抱耳豈敢有他意耶隨剪髮自誓現歷五十年

杜氏張士傑妻二十二夫亡有勸其改適者氏厲聲呼斥嗣後不復交言隣人聞之莫不畏敬奉孀姑撫弱子苦歷四十五年現在詳請建坊旌表

趙氏劉德清妻二十六夫故哀毀欲絕有子方週立志撫之兼

撫孤姪視若親生現歷三十七年

蘇氏張湜妻二十二夫亡翁姑年邁子才週歲氏立志守節翁姑歿喪葬無資親族憐而助之氏力勤紡績一一清償不使翁姑抱憾地下現歷四十一年

鄧氏張珮妻二十夫亡上有老姑下遺幼子氏日勤女紅奉姑盡孝教子成名現歷三十八年

寇氏張全妻二十五夫故遺子五月隣婦勸其改嫁氏剪髮自矢守節食貧教子成立現歷四十八年

劉氏韓肇麒妻二十二夫亡遺子三月翁姑憫念家貧時對媳嗟歎氏窺其微嚙指出血以明之死靡他翁姑繼及乏資殯葬將所住破屋數椽變賣以葬紡績食貧撫子成立苦節五十一年卒年七十二歲

八

署

王氏韓天賜妻二十八夫亡親老家貧子尚襁褓氏堅心守節養生送死撫孤成立備極艱辛現歷三十四年

何氏安洪武妻二十六夫亡上侍翁姑克盡孝道下撫弱子教以義方現歷四十七年

李氏張文傑妻二十四夫亡家貧惟紡績以奉老姑以育弱子常有見而憐之者氏謂非苦不成節烈有怨豈是堅貞矢志不移鄉里稱道現歷三十九年

劉氏李經倫妻二十五夫故立志與老姑同甘共苦竭力奉事以代子職下撫弱子曲盡恩勤迨後殯葬翁姑盡哀盡禮現歷五十二年

羅氏張正心妻十八夫故有子應鈴及長娶妻章氏年十七閱兩年而應鈴又故遺子甫及二月姑媳二人相依為命一門雙

節閭里爭稱羅氏守節四十年卒年五十七章氏現歷三十二年

丁氏趙永剛妻二十四夫亡僅一子孤苦無倚氏立志守節孝養孀姑教子成名現歷三十二年

陳氏王金城妻于歸四年夫故青年守志代夫養親甘貧訓子現歷三十八年

李氏李宏毅妻年二十一夫亡竭力事姑愛敬兼致並能勉勵其妾張氏共守堅貞撫孤成立閭里稱為一門雙節苦志四十年亡年六十歲

王氏李貞妻二十六夫亡上事老姑下撫弱子婦道母儀一身兼備現歷三十八年

袁氏張雲翼妻二十七夫亡翁姑因念家貧惟恐媳不能守相為唏噓氏默喻其意剪髮自矢現歷三十八年

八

署

許氏白佑浩妻十九夫亡孝養翁姑甘旨無缺並能訓子成立以嗣宗祧苦節三十二年卒年五十歲

王氏生員張棟妻二十四夫亡家甚貧菽水不給氏竭力操作以奉翁姑子稍長就學無資每親自訓課不遺餘力現歷三十九年

韓氏許秉鈞妻二十歲夫亡無子有強其改適者氏截髮自誓甘貧苦節事祖姑及翁姑盡禮無懈以姪為嗣無異已出現歷二十八年

王氏宋大有妻十八歲夫故族人屢逼改嫁氏引刀欲刎撫襁褓子哭曰宋氏一門惟此而已吾死子亦死嗣不絕乎因食貧守節撫孤成立現歷三十二年

守節撫孤成立現歷三十二年

張氏趙涵妻二十三歲夫亡遺子一舅姑早逝祖翁姑在堂氏仰事俯育克盡婦職現歷三十五年

唐氏盧瑚妻二十九歲夫亡無子欲殉伯氏以子嗣之氏鞠育如已出守節四十年

盧氏焦居榮妻二十八歲夫亡痛不欲生因孀姑年高三子俱幼勉為食息值歲歉日勤紡織以給日用鄉里稱為女中丈夫現歷四十三年

劉氏吳士宗妻二十六歲夫故氏糟糠自咽孀姑弱子奉養無缺兼變衣飾殯葬數椽鄉鄰聞見者咸敬服焉

以上節婦七十五人俱有事實可紀而邀 學使獎賞者不過八九人其餘均未能上請 旌表亦缺典也

王氏韓建勸妻于歸未久夫亡不克逮事舅姑遇祭必誠必敬

曲盡婦職兩姪幼孤氏教養之無異已出乾隆十五年 旌表

韓氏趙鵬翼妻夫歿于幼孤子無助貞操自勵勤女紅教弱子

屢遭歉歲甘心食貧乾隆十七年 旌表

牛氏鄧知本妻夫歿氏懷服哀痛絕粒老姑以宗嗣諭勸勉進

飲食斷髮自勵數月後果產一兒孝奉孀姑養育幼子守節數

十年如一日乾隆十八年 旌表

馮氏鞏文灝妻夫亡即欲自盡因翁姑在堂子甫週歲堅心守

節毀面自矢奉舅姑終天年撫孤子得成立乾隆十九年 旌

表

王氏張紹統妻夫歿家貧無以供老姑甘旨氏日夜操作備歷

辛勤既奉孀姑兼撫幼子苦志守節者數十年乾隆十九年

旌表

張氏吳續德妻夫亡後翁姑多病脫珥延醫竭立調護二十餘載無倦容其於孤子則撫以慈教以義吳氏子得以成立不墜宗祧張氏力焉乾隆十九年 旌表

吳氏馮自新妻夫歿家貧甚斷髮自勵日夜紡績上奉垂髫之雙親下撫彌月之孤子辛苦艱難於氏為極乾隆十九年 旌

表

李氏徐生輝妻夫客死于尚襁褓氏聞訃絕食翁姑以大義勸諭隨堅心守節撫孤稍長命扶父柩旋里安葬乾隆二十一年 旌表

韓氏生員熊彥妻夫歿二子俱幼家雖貧而孝奉孀姑甘旨無缺後長子維男任安化令次子維中監生且以見氏之教子成名也乾隆二十二年 旌表

程氏強元紹妻翁姑在堂子甫一歲夫故仰事俯育迨後殯葬舅姑並先靈一十二椽俱氏艱苦經營乾隆二十二年 旌表

段氏王天璽妻夫亡哀痛欲絕因夫以奉姑撫子為囑遂毀面自誓堅心守節乾隆二十四年 旌表

張氏業儒王宗孔妻夫亡子甫三月氏立志奉姑撫子王氏一

脉賴以不墜乾隆二十六年 旌表

鞏氏苗大年妻夫亡無孝養翁姑者氏勤苦操作以供養殯迨

翁姑歿喪葬盡禮矢志不移乾隆二十六年給匾 旌獎

李氏生員高枝妻夫亡子甫週歲翁與繼姑俱臥病不起氏侍

奉湯藥者三年毫無懈怠翁姑歿哀禮交盡歲糟糠自咽教

子成立乾隆二十七年 旌表

李氏監生張呈瑞妻生二子夫客四川死於旅邸氏聞訃投環

自盡

隣婦解救因繼姑以兩子屬托堅心守節養育無倦容後命子扶柩回里哭拜氣絕復行救醒乾隆二十七年 旌表

蕭氏生員張大恒妻夫亡姑老子幼生無以養死無以葬氏竭力操作孀姑弱子均賴以全夫柩亦得以殯乾隆二十七年 旌表

表

陳氏張祖良妻子歸後姑病在牀竭誠侍奉姑未愈而夫先亡為典醫珥醫姑葬夫子鏹三月背父氏事姑撫孤備嘗辛苦鏹稍長氏織子讀機聲書聲晝夜不徹鏹以成名乾隆二十八年 旌表

王氏劉竹影妻夫亡姑又病暗祝蒼天願減年以增姑算姑病遂愈事親撫孤歷盡艱苦乾隆二十九年 旌表

王氏賀昌妻家極貧氏勤紡織以佐之及夫亡姑老子幼俯仰無依氏毅然以養親育子為己任守節不渝乾隆二十九年 旌表

陳氏生員李倫妻夫病篤因氏年幼探其意氏泣曰妾亦人耳何遽不能守志遂封髮自誓苦節終身乾隆三十年 旌表

汪氏王偉妻夫及姑老家貧氏紡績奉養姑及無力殯葬掘地數尺負土成墳乾隆三十年 旌表

劉氏王天相妻夫亡勤紡績以奉姑甘旨自咽糠粃嚴冬苦無薪火每夜以身煖姑姑及喪葬循禮撫二孤俱入太學乾隆三十一年 旌表

何氏呂應夢妻子歸後家貧姑老夫傭工奉母氏典賣首飾以佐不逮及夫亡劃面斷髮甘心養老有遺姑病及醫藥喪葬無不竭誠盡禮子亦成人乾隆三十三年 旌表

華氏田浩妻夫亡姑老子幼矢志事親有遺姑全天年子得成立華氏維持之力不鮮乾隆三十四年 旌表

雒氏賈永清妻家貧夫與姑繼及痛哭絕地有死無生忽聞幼子哀啼遂矢志撫孤成立以承賈祀乾隆三十五年 旌表

張氏監生門生蘭妻夫歿悲痛不止殮後欲自縊聞姑喘于啼轉念曰捐軀以求自全其奈姑老子幼何遂堅心守節奉姑撫子始終不渝乾隆三十五年 旌表

張氏李瑛妻夫亡翁姑老而多病醫藥所禱備極周章及翁姑歿喪葬如禮延師教子苦節終身乾隆三十五年 旌表

張氏門及第妻夫客死痛絕於地轉念姑老侍奉無人遂斷髮守志取族姪為嗣教養成就乾隆三十五年 旌表

茹氏寇長春妻夫亡上奉孀姑下撫二子備極恩勤今二子已成名矣長學曾歲貢次學閔監生乾隆三十七年 旌表

張氏生員高文傑妻夫亡姑痛子夭病且歿氏哀毀欲絕衣棺殯殮均克盡禮守志撫孤歷數十年乾隆三十九年 旌表

謝氏姚君臣妻夫亡剪髮毀面以事翁姑撫幼子為己任及翁姑繼歿經營喪葬又復延師教子家雖貧事俱楚楚也乾隆三十九年 旌表

朱氏李得福妻夫亡家貧無以自給或憐之而勸令改適氏跪哭自誓以明不二日勤紡績事孀姑撫孤成立乾隆四十一年 旌表

烈婦李氏劉廣妻惡棍李金昇欲污之氏不從且引刀自劃因救得不死旋復投環殞命節烈之氣凜凜如生乾隆三十七年 旌表

孝婦吳氏孝子熊鋼妻鋼貿易成都氏紡織奉姑姑病篤寄書招夫夫未歸而姑已逝痛哭絕地衣棺盡禮夫歸安葬廬墓氏負土成墳乾隆三十年 旌表

王氏熊偉妻十六于歸廿三夫故姑老子幼加以赤貧日夜紡績上奉孀姑下撫孤子艱苦備嘗守節四十二年終年六十五歲

李氏生員陳尹澤妻十七于歸廿一喪偶家貧子幼斷髮守貞典簪珥以葬親勤織紡以撫子備嘗辛苦教子成名守節三十五年卒年五十四歲

申氏魏振邦妻二十于歸三十夫歿仰事俯育盡出女工殯葬翁姑盡哀盡禮苦節三十一年現年六十一歲

楊氏趙琦妻十九于歸廿一夫故姑老子幼矢志守貞姑疾親嘗湯藥無間晨昏撫子成立教以義方家雖赤貧清操彌勁守節四十七年卒年六十七歲

呂氏監生李朝瞻妻十七于歸十九喪偶家貧如洗日勵女紅上奉翁姑下撫前妻之子皆氏一身負荷苦節五十三年現年七十二歲

焦氏何煒妻十八于歸廿三夫故翁姑早喪兼乏子嗣晝夜紡績奉事夫祖父母克盡孝養並取族姪為嗣撫育無異所生今已成立守節四十八年終年七十一歲

孟氏杜大勳妻十七于歸廿二失偶姑老子幼家業蕭條自甘粗糲奉姑甘旨不使少缺堅心守節教子成名苦節四十二年終年六十二歲

蒙氏張倫乾妻十八于歸廿九夫歿家貧無倚矢志守節姑病

葉醫罔效泣禱於天願以身代及歿哀禮兼盡一切喪葬之費皆十指所積擇師課子今已成名守節四十二年終年七十一歲

張氏王君龍妻十四于歸廿四喪偶翁姑年邁遺子方週日課女紅仰事俯育艱苦備嘗親歿喪葬盡禮教子今已成立守節四十九年現年七十三歲

李氏韓起龍妻十九于歸廿五夫亡家貧子幼翁姑多病晨昏侍奉久而弗懈及歿喪葬盡哀盡禮守節五十年終年七十四歲

魏氏劉起妻十九于歸廿五喪偶姑老家貧兼無子嗣或勸收適剪髮自明撫取堂姪立繼紡績攻讀今已成名守節三十年現年五十五歲

韋氏李爾文妻十八于歸廿八夫故親老子幼家計蕭條日事女紅奉親克孝親歿喪葬盡禮辛勤教子今已成名守節四十年現年六十六歲

王氏洋縣訓導熊鉅妻十八于歸廿七喪偶家貧無子翁姑年邁堅心守節上奉甘旨自勉糟糠辛苦備嘗毫無怨意守節三十二年卒年六十歲

師氏梁自有妻十八于歸廿六夫歿姑老子幼家業赤貧晝夜織紉奉養無缺姑病親嘗湯藥及歿殯葬盡禮苦節四十八年現年七十四歲

賈氏監生張我紀繼妻十八于歸廿六夫故舅姑衰老子在襁褓剪髮明心如茶矢志孝事翁姑以終年撫育遺孤以成立守節三十二年現年五十六歲

李氏王雲從妻十八于歸廿三夫故姑老子幼勉持大義堅守未幾子又歿亡擇取姪孫爲子繼嗣哭子撫孫備嘗辛苦守節三十九年現年六十一歲

魚氏王璠妻十七于歸廿六夫歿家極艱難惟賴紡績辛勤度日教子今已成名苦節四十四年終年七十歲

杜氏王繡妻十八于歸廿五喪偶姑老子幼家道極貧力勤紡織以盡孝慈忍飢寒而營喪葬苦節三十七年現年六十二歲

張氏監生崔獻麟妻十八于歸二十夫歿家貧無子撫姪爲嗣侍奉孀姑克全孝道守節三十二年現年五十一歲

侯朱氏侯福朝妻十七于歸廿七夫故棲身何所傷哉破屋半間矢志靡他藐爾遺孤週歲現在撫子成立守節已三十一年

張氏監生雒廷亮妻十七于歸廿八夫故姑老子幼兼係赤貧日夜紡績孝養無虧教子成人劬勞良苦守節三十五年現年六十二歲

張氏趙景奎妻十九于歸廿二喪偶毀容絕食痛不欲生因念親老家貧嗣孫尚幼勉延殘喘以供衰老之餘年心切撫孤以繼良人之嗣祚守節五十九年卒年七十六歲

雒氏周均懋妻十五于歸十八夫故姑老子幼度日維艱隣婦有勸以改圖者卽正言呼斥終身不與交言閭里莫不敬畏守節四十四年現年六十二歲

王氏趙倉妻十五于歸廿二夫偶家貧于幼姑老失明紡織食貧孝慈彌篤苦節四十四年現年六十四歲

王氏張天儀妻十九于歸二十夫故毀容自誓堅心守節痛夫無後撫姪爲子教養成名備嘗辛苦卒年五十七歲苦節三十

七年

楊氏韓重璧妻十四于歸廿八喪偶身懷六甲越數月而生子日勉女工上奉雙親以終年下撫遺腹而成立守節四十年現年六十八歲

王氏徐應龍妻十八于歸二十夫故家貧翁老兼無子嗣取胞姪爲子恩勤撫育無異所生仰事俯畜惟賴女工苦節三十三年現年五十三歲

王氏蒙大德妻十六于歸廿八喪偶家貧于幼翁姑俱老立志守節日夜紡績教子成立孝養高年存沒盡禮守節五十六年現年八十四歲

義婦任氏已故候選州同王天桂繼妻懷清守潔慕義善施乾隆十五年捐修義倉貯麥一百五十餘石接濟閭村至今賴之

乾隆十八年重修村堡週圍墻垣望樓費銀六百七十餘兩又自乾隆十一年起積年代閭里完糧約共七百餘金每遇飢年散糧接濟不計其數凡存借約或壁或焚約有二千餘金他若資助婚喪澤及枯骨修橋梁卹孤寡種種義舉里黨尤稱頌焉

方技

明

土春陽學醫有解悟診脈用藥皆世醫意所不及

張碧山精於八法神針能起疲癯了凡袁先生習術於其門

柴定向字少池善識風水能於數十里之外望地氣而知休咎

嘗過學宮見育才坊廢請於縣令曰此坊復建必科第蔚興次

年丙子果中鄉榜十人爲役初太學士王中伯公卜地其山峰

峻拔占者以爲不利向曰此將軍山也當有以武成名者後果

驗年九十七歲髮色如童遠近稱為地仙云
徐青萍學琴於吳門其後遍遊天下名頗著焉

梁時元善畫山水得沈石田筆意

強應祥生員性豪放喜遊覽以繪事知名

劉源字侗菴生員性簡傲不羈甘貧守約以繪事自娛

仙釋

宋

張夢乾字天遊孟店鎮人家素封老而好道有脫塵離俗之志
遇劉海蟾授以仙術遂賦詩曰這回脫穎出塵寰雲水逍遙任
自然寧作無爲閒白日肯教有路走黃泉壺中深隱長春景物
外潛藏不夜天莫道神仙難際會分明相遇復相捐一日辭村
落人曰遲十日中午吾將飛去衆以爲狂及期登槐杪吐沫斗

大澤縣志卷八

事

餘猶舐之相隨神舉涇陽商人卽於是日午見夢乾於雲南片
晷而騰躍萬里亦奇矣哉

利市先生白道元峪口人以其貌古質厚肩背隆然俗呼爲井
轂輶生而七歲不能言及長馬丹陽遇於途次與語若合宿契
遂傳真訣蹈水如履平地日行千里脚下無跡嘗自歌曰橫順
四條椽在世八十年若要跟尋我直至白骨邊後果八十無疾
而卒旣而舉葬棺空無尸旬日人見先生在白骨寺邊往來方
驗在生所歌之言真神仙也

元

徐真人按雲陽志真人戒行精嚴祈禱有應勅賜清淨體道號
靈真人

袁思義按雲陽志太師明道德莊列等書兼通佛教及醫術陰

陽卜筮之學有著術道德經莊列等書引證馬丹陽孫也二河
講經賜紫金襴

隋

普安俗姓郭氏本縣人投藹法師通明三藏常業華嚴於子午
虎林兩谷合澗之側鑿龕結庵有大石崩下安默念曰願移餘
處莫碎龕窟石遂依言迸避餘所龕東有素陋者欲害安同伴
三人發矢矢不離弦張目閉舌立經宿又龕西有張暉者夜竊
佛油負篋而出迷昏失性若有所縛不能動又龕南有張卿者
來盜安錢持去袖中達家不得出口噤無言安各令懺悔方解
脫皆華嚴力也程郭村程暉和恒來安所聽法病死兩宿安至
其村喚之和身遂動入其庭大喚之和卽偃起安覆一宮笈以
當佛座令和遶旋尋復如故白村一母病臥百日乞救於安安

涇陽縣志卷八

事

至母卽下迎言問起居奄同常日遂失病所在龕側村中縛猪
三頭將烹宰安聞往贖索價不足忽有小兒裹腹而三助安贖
猪須臾不知所在安卽引刀自割胠肉曰此彼俱肉耳猪食糞
穢爾敵之况人食米理足貴也村人聞之感動一時有猪者皆
釋放

元

蘭公和尚嫻儒經有才力巧於射藝金元間大變賊逼起蘭公
以射藝救人者衆出雲陽志

明

圓相俗姓牛氏本縣東關人號普濟遊巴蜀十餘年聞關內大
饑期一見母杖錫東歸往邑之惠果寺母雙目久失明圓相晨
昏懺悔以舌舐之一日自外歸省以所著僧帽卸持於手母驚

問曰和尚遠來頭汗未消何遠脫帽耶圓相復著之以試母曰如此得之圓相欣躍如狂嘗置小車母欲適親故即獨拽以往事竣復載歸歲以為常穿義井百餘改創天王地藏等殿悟緣字萬休本縣人剃度江南為雪浪門人後遊京師住圓通庵神廟間奉李太后懿旨護藏西歸開講文塔寺

涇陽縣志卷九

邑令葛 晨纂修

縣丞沈 述
教諭李 蓋
訓導何 祿
典史王祈年 全校

藝文志

周濂溪曰文所以載道也又曰篤其實而藝者書之書之美則受愛則傳焉涇陽偉人輩出所謂可愛可傳者正復不少舉凡足以昭勸戒移性情發揚盛美有裨史事者取而志之將山川之靈人文之秀咸得藉是不朽且以見前賢著述往哲風流之未嘗歇絕也前後志所載名作大篇均為詳列而後之作者未經表著不敢狗收倘當世賢人君子有切於地方利弊投以吉光片羽行將採輯續入焉作藝文志

記

李衛公故物記

唐 韋端符

三年冬端符於三原令座中揖其羣官有客曰李丞某謂端符曰是衛公之冑也其家傳賜書與他服器十餘物者訖讌端符即丞居為客謁丞延入就次端符因跪請曰藉君僕射公之嗣固願見僕射公之烈之多其事辭雖史記或闕略具天下耳舌矣聞君世傳文帝詔與公服物者願得以觀丞慘然曰諾即其家僮躍步奉賜書一函他物服器出發視有玉帶一首末為五十有三方者七挫兩隅者六每綴環焉為附而固者以金丞曰傳云環者列佩用也玉之粹者若含怡然澤者若煥釋然公擒蕭銑時高祖所賜於闐獻三帶其一也素錦袍一其襟袂促小裁制絕巧密光爛爛如波旁出紫文綾襖一促製小袖加袍

其爲文林樹於上其下有馳馬射者又雜爲狻猊虎羆橐駝者靴袴一往來爲鈎屬鏃劍文疑非華人所爲也自始傳至於今莫能名其物象笏一差狹不類今笏者佩筆一奇木爲管帶刻飾以金別爲金環以限具間鞘者火鏡二大觴一小觴一算囊二椰盃二蓋嘗佩於玉帶環者十三物亡其五有存者八大帝爲兒時與公子某年上下文帝命居宮中侍吾兒戲卽賜以皇子服物黃綾袍緋綾袍皆爲龍鸞文素錦襖絳五采爲花若鳥者素錦半袖小笏皆緻巧精妙今之二不能爲也文帝賜書二十通多言征討事厚勞苦信必威賞而已其兵事節度皆付公吾不從中制也暨公疾親詔者數四其一曰有晝夜視公病大老嫗令一人來吾欲熟知公起居狀丞曰權文公視此詔常泣曰君臣之際乃如是耶端符旣畢觀中若有物擊側其心者於

大正陽曆卷九

三

玉帶見遠方致物而上不專有以賜有功也於文錦衆物見其時之工志工不志靡也於賜公子以皇子衣服見視臣如友可猶兒也於詔征討見擇將材付將職也上尚不中制其事旁他可動哉於問公疾見上念憫公如家人之視子姪也公之勞烈如是其大固有以感之獨推期運吾不信也丞曰子觀吾故物異他人之觀一似動色隱心者於霜露變時每閱省是物人雅謂子工文辭幸爲記吾得觀以慰吾慕思也故爲記衛公故物

重修文廟碑記

宋 杜德機 邑人

先聖者道之所自出而道非學校不行故世之州縣因先聖有廟所以重道也卽廟有學所以傳道也涇陽廟學其衰也久矣栖栖乎塑像之居樊陋乎行禮之舍雖二時之有釋奠神之格思未敢信也先生之待問何所布席朋友之文會何所投笈遂

使峩冠而長者去而就境外之傳總角而幼者分徒裂居或假館於佛宮或開戶於委巷欲風俗之全粹不可得也奉議郎賈公公明廉勤文敏威惠以雍容宰邑然自下車多見其執要以聽訟貴恕以用刑重士輕財禽姦縱善類以此爲務乃若廟學則踰年而始及何也廟所以重本學所以源教化凡士皆知之况公良治之後其文學之雄乎蓋儲思積慮填乎胸次特拘文而不得爲也日者朝廷始有命修諸毀廢之祠廟公獨以孔子廟爲請則疇昔之有志可見矣疇昔憤之一朝摠之則何啻若宿火之獲然積泉之遇決其所經畫豈鹵莽齷齪而輒已哉雖然因錢於公府因材於故地因時於農隙因力於民從而上下一無傷焉及其嘯徒聚工則又以佚道悅使以明命申嚴以宿戒視成俾一心百身蜂蟻往築卑以爲高闢隘以爲廣畝斯

大正陽曆卷九

三

完撓斯隆百日之工七旬而畢何其形壯而功敏也其間葺故從新神人異宅北廟而南學廟則加之四簷而翼其正室之榻敞之二廡而寬其拜獻之位內更塑像則聖哲之神有依矣外益繪像則前賢之七十二後賢二十四得以白其道矣先賢所以嚴也學則起正堂以待講解環齋宇以延聽讀人才所以育也若是則神之不格風俗之不全粹非所患也雖然廟也學也昔與吾宰之廨舍其樊陋均矣然廨舍之樊陋當時猶未訖一新以聳衆人之觀望况有議及於廟學者乎公於二者素皆有志於建立而獨以廟學爲先則可謂切於事道矣今觀縣之廨舍雄壯尊嚴可以爲諸邑之首而使民莫不知有所尊仰有所敬畏則號令刑政固亦由此而振矣夫號令刑政所以爲治也廟學所以爲教也其所建立先吾爲教之地則是所以爲治者